

---

## **RREGULLORE PËR DETYRIMET, TË DREJTAT DHE PERFITIMET SI ANËTARË TË SHOQËRISË SË INXHINIERËVE TE MBROJTJES NDAJ ZJARRIT TË SHQIPËRISË (SIMZ)- SFPE ALBANIA**

Shoqata e Inxhinierëve për Mbrojtjen nga Zjarri është një organizatë jofitimprurëse me anëtarësi e themeluar me vullnetin e lirë të anëtarëve të saj si Inxhinierëve, Profesorëve, Studiuesve etj.

Teksti i rregullores është hartuar në përputhje me kornizën rregullatore në fuqi, kryesisht por pa u kufizuar në: dispozitat e Ligjit nr.7850, datë 29.07.1994 “Kodi Civil i Republikës së Shqipërisë”, i ndryshuar; Ligjit nr. 8788 datë 07.05.2001 “Për Organizatat jo fitimprurëse” i ndryshuar (OJF); Statuti i Shoqatës “Shoqata E Inxhinierëve Për Mbrojtjen Nga Zjarri”.

Kjo rregullore përbën një akt të brendshëm, të detyrueshëm për të gjithë drejtuesit dhe anëtarët e Shoqatës. Ajo vendos rregullat e sjelljes së anëtarëve, dhe përgjegjësinë e tyre për funksionimin e mirë të shoqatës me qëllim mbajtjen lart të emrit të mirë për ndershmëri, korrektesë, drejtësi, integritet dhe paanshmëri.

Rregullorja paraqet në mënyrë funksionale detyrimet e gjithë strukturave të brendshme, në kuadrin e plotësimit të detyrave të tyre si të pavarura njëra nga tjetra, si dhe përcakton përgjegjësitë e secilës strukturë në kuadrin e misionit si një organizim i tërë. Ajo përcakton parimet themelore të punës në shoqatë, duke i harmonizuar ato me problematikën, veçoritë, përgjegjësitë dhe detyrimet.

### **KREU I DISPOZITA TË PËRGJITHSHME**

#### **Neni 1 Objekti dhe Qëllimi**

1. Kjo Rregullore ka për objekt përcaktimin e rregullave lidhur me:
  - 1) *Organizimi dhe funksionimin e brendshëm të Shoqatës “Shoqata E Inxhinierëve Për Mbrojtjen Nga Zjarri”.*
  - 2) *Ndarjen e detyrave dhe kompetencave të organeve drejtuese dhe anëtarëve.*

#### **Neni 2 Objekti i veprimtarisë**

- 1.Për arritjen e qëllimeve të saj shoqata, zhvillon një sërë veprimtarish të cilat bazohen në:
  - a. *Avancimi i inxhinierinë të mbrojtjes nga zjarri, përmes avancimit të artit dhe shkencës së inxhinierisë së mbrojtjes nga zjarri dhe fushave aleate të saj, duke avancuar dhe mbështetur edukimin inxhinierik të mbrojtjes nga zjarri, duke*

shpërndarë informacion dhe duke mbajtur një nivel të lartë qëndrimi dhe kompetence midis anëtarëve të tij;

- b. Promovimi i profesionit të inxhinierit të mbrojtjes nga zjarri, përmes avancimit të artit dhe shkencës së inxhinierisë së mbrojtjes nga zjarri dhe fushave aleate të tij; duke mbajtur një pozitë të lartë profesionale midis anëtarëve të saj; dhe duke promovuar dhe mbështetur edukimin inxhinierik për mbrojtjen nga zjarri;
- c. Zhvillimi, avancimi dhe përdorimi i praktikave më të mira inxhinierike; zgjerim i bazës së njohurive shkencore dhe teknike; dhe edukimi i komunitetit global të sigurisë nga zjarri, në mënyrë që të reduktohet rreziku nga zjarri.

### **Neni 3**

#### **Burimet dhe përdorimi i të ardhurave**

1. Të ardhurat për financimin e veprimtarive të shoqatës për arritjen e qëllimit dhe objektivave do të sigurohen nga:
  - a) Fonde të siguruara nga themeluesit;
  - b) Grante të ndryshme;
  - c) Dhuratat apo donacionet e ofruara nga subjekte privatë ose publike, vendas ose të huaj;
  - d) Në çdo formë tjetër të ardhure të ligjshme.
2. Shoqata siguron të ardhura nga burime që njihen nga ligji dhe bën shpenzime vetëm për realizimin e qëllimit dhe objektit të veprimtarisë, për të cilin është krijuar, si dhe për drejtimin e mirëmbajtjen e pasurisë së saj.
3. Nuk lejohet asnjë formë e shpërndarjes së fitimit ose e përfitimit financiar dhe material nga të ardhurat dhe fitimet e shoqatës prej personave që janë subjekte të statutit ose aktit themelues, përveç detyrimeve në formën e pagave, rrogave, pagesave, shpërblimeve e kompensimeve që rrjedhin nga kontrata e punës ose kontrata të tjera të ngjashme me të ose për mbulimin e shpenzimeve të kryera me porosi dhe për llogari të shoqatës.
4. Shoqata, në raste të veçanta, mund të japë ndihmë financiare anëtarëve të saj, personave të jashtëm ose subjekteve të tjera. Shoqata mund të jap ndihma të filla edhe nga fonde të dhuruara ose të vëna në dispozicion, kur donatorët kanë përcaktuar shprehimisht një të drejtë të tillë.

## **KREU II**

### **ORGANIZIMI DHE FUNKSIONIMI I SHOQATËS**

#### **Neni 4**

#### **Organet e shoqatës**

1. Organet drejtuese dhe ekzekutive të shoqatës janë:
  - a) Mbledhja e Përgjithshme e Anëtarësisë;
  - b) Drejtori Ekzekutiv.

## Neni 5

### Mbledhja e Përgjithshme e Anëtarësisë

1. Mbledhja e Përgjithshme e Anëtarësisë është organi më i lartë drejtues i shoqatës dhe përbëhet nga anëtarët e miratuar të shoqatës të cilët përfaqësohen me një votë secili. Mbledhja e Përgjithshme e Anëtarësisë mund të marrë vendime të vlefshme vetëm kur thirret në mënyrë të rregullt në përputhje me statutin dhe në të marrin pjesë më shumë se gjysma e të gjithë anëtarëve të shoqatës. Mund të marrin pjesë në Mbledhjen e Përgjithshme të Anëtarësisë dhe të tjerë pa të drejtë vote të ftuar apo persona të tretë kur Mbledhja e Përgjithshme të Anëtarësisë e miraton prezencën e tyre.
2. Mbledhja e Përgjithshme të Anëtarësisë do të mbledhet sa herë është e nevojshme për interesat e shoqatës, në përputhje me procedurat në statut, por në çdo rast jo më pak se një herë në vit në mbledhjen e përvitshme si rregull në Dhjetor të vitit aktual, por jo më vonë se muaji qershor të vitit pasardhës.

## Neni 6

### Drejtori ekzekutiv

1. Drejtori Ekzekutiv është organi më i lartë ekzekutiv i shoqatës.
2. Detyrat e Drejtorit Ekzekutiv janë:
  - a) Të përfaqësojë organizatën në marrëdhënie me subjektet, private ose publike, të tilla si donatorë, klientë furnizues apo subjekte të tjera private, si dhe me të gjitha nivelet e qeverisjes që rregullojnë veprimtarinë e organizatës; me të drejta të plota përfaqësimi;
  - b) Të sigurojë mbarëvajtjen financiare të organizatës dhe ushtrimin e veprimtarisë së saj në përputhje me qëllimin e deklaruar;
  - c) Të bashkëpunojë me Drejtorinë e Përgjithshme të Parandalimit të Pastrimit të Parave për të siguruar që organizatat partnere dhe ato që sigurojnë financim, shërbime dhe mbështetje materiale nuk përdoren apo manipulohen për qëllime terroriste;
  - d) Të kërkojë thirrjen e Mbledhjen e Përgjithshme të Anëtarësisë;
  - e) Të sigurojë zbatimin e vendimeve të Mbledhjes së Përgjithshme të Anëtarësisë;
  - f) Të mbikëqyrë zbatimin e aktiviteteve dhe programin e shoqatës në përputhje me qëllimin e saj;
  - g) Të vendos për pjesëmarrjen dhe aderimin e shoqatës në organizata të tjera;
  - h) Të administrojë pasurinë e shoqatës në përputhje me kërkesat e Statutit dhe është përgjegjës për to.

## Neni 7

### Anëtarësimi

1. Anëtarësimi në shoqatë është vullnetar dhe është i mundur për çdo individ, person fizik apo juridik që ka veprimtari apo synon të kontribuojë për shoqatën dhe pranon programin e Statutit të saj.
2. Pranimi i një anëtari të ri në shoqatë realizohet mbi bazën e kërkesës së tij me shkrim dhe miratimin e Mbledhjes së Përgjithshme me shumicë të thjeshtë votash.
3. Kuota vjetore për secilin anëtar është 10,000 Lekë.
4. Krite specifike për anëtarësimin në shoqatë përcaktohen nga Mbledhja e Përgjithshme e Anëtarësisë.
5. Lista e anëtarëve të shoqatës mbahet në Regjistrin e anëtarësisë dhe duhet të përditësohet për çdo pranim anëtarësie apo heqjen e tyre në përputhje me procedurat në statut dhe kjo listë konfirmohet nga Mbledhja e Përgjithshme e Anëtarëve të saj.

### **Neni 8**

#### **Të drejtat e anëtarëve të “SFPE Albania”**

1. Të zgjedhin dhe të zgjidhen në bazë të statusit të shoqatës
2. Të diskutojnë dhe të flasin për zhvillimet profesionale në fushën e mbrojtjes ndaj zjarrit në çdo aktivitet të tyre profesional privat ose publik.
3. Të përdorin logon e Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.
4. Të japin opinionin dhe kontributin e tyre për përmirësimin e aktivitetit të përditshëm të shoqatës

### **Neni 9**

#### **Detyrimet e anëtarëve të “SFPE Albania”**

1. Të respektojnë statusin e Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.
2. Të respektojnë dhe perkrahin çdo anëtar të Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.
3. Të respektojnë kodin e etikës të Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.

### **Neni 10**

#### **Përfitimet e anëtarëve të “SFPE Albania”**

1. Pjesëmarrje dhe hapësirë diskutimi në aktivitetet/panelet e organizuara prej Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.
2. Ulje të cmimit të trainimeve/aktiviteteve me pagesë të organizuara prej Shoqërisë së Inxhinierëve të Mbrojtjes Ndaj Zjarrit të Shqipërisë- SFPE Albania.
3. Mundësia e përfitimit të pjesëmarrjes në aktivitete ndërkombëtare që organizohen në mënyrë të rregullt nga SFPE Europe, SFPE Global apo organizata të tjera që bashkëpunojnë në fushën e mbrojtjes ndaj zjarrit në Europë apo botë.

### **KREU III DISPOZITA TË FUNDIT**

#### **Neni 11 Informimi**

1. Të gjithë anëtarët e shoqatës duhet të njihen individualisht me këtë rregullore dhe nëse e shohin të nevojshme të kërkojnë sqarime dhe interpretime për këtë të fundit, pranë Drejtorit Ekzekutiv.
2. Kriteret dhe përmbajtja e kësaj rregulloreje janë të detyrueshme për zbatim nga të gjithë anëtarët e shoqatës.
3. Pranimi në punë nënkupton njohjen dhe pranimin e kërkesave të kësaj Rregulloreje.
4. Drejtori Ekzekutiv nxjerr urdhra dhe udhëzime për zbatimin e kësaj Rregulloreje.
5. Çdo anëtar pajiset me një kopje të Rregullores së Brendshme.

#### **Neni 12 Sanksione**

1. Mosrepektimi i Rregullores përbën shkak për procedim disiplinor për çdo anëtar që shkel rregulloren, në përputhje me dispozitat ligjore në fuqi (*kur nuk përbën vepërpenale*).
2. Shkelja e rregullores sjellë vendosjen e sanksioneve administrative në bazë akteve të tjera ligjore dhe nënligjore në fuqi.
3. Mosnjohja e rregullores, nuk e justifikon anëtarin nga përgjegjësia dhe sanksionet e lartpërmendura.
4. Kjo rregullore hyn në fuqi më datë 25/10/2023